

Y
B192
S4F / H /
1640

册 6
卷 6-7

歷城縣志卷六

邑人葉承宗撰

職官志

縣令

佐貳

官績

春秋上大夫縣下大夫郡秦始置郡以監縣風俗
通曰縣玄也言當玄靜徭役也釋名又曰縣也縣
於郡矣十三州記曰縣茲也茲以貞直言民之
位不輕其誓施刑用法不曲如弦也顧名取義可
以職思其居矣歷縣於濟首三十城承流宣化爲
力似逸然手板日執單父之琴撤絃案牘實勞王
喬之鳥折齒安得優游潘花自植哉但以貞直玄

546931
Jul 12 '40

靜為心則召杜歌興誰謂百里非大賢之路也作
職官志

縣令

歷縣於漢後雖或理或遷邑名不易豈無飛鳧馴
雉之迹何以千百年來學宮尸祝止漢劉寵一人
豈臨以郡州厥用不彰與抑史佚之也廣詢輿論
採近世琅琅有聲施者別載宦績餘惟備列職名
於左蓋自何公瑾始

正統

何瑾

字子敬山西崞
嵐州人舉人

沈瑀

何英

成化

賈宣

字文著河南
封丘人貢士

武文

蘇學

游寬

詹鵬

弘治

高舉

字廷選河南
魯山人貢士

盛璫

鄧鏞

石經

字大倫陝西
澄城人貢士

劉瑞

正德

蔡宇 字天洪河南祥符人貢士

石宗泰 直隸清苑人進士

梁敏政 字人道直隸房山人進士七

吳廷瓚 欽天監籍舉人

余翱 字大振直隸定遠人進士見宦績

池龍 字文化涿鹿左衛人進士

吳琦 字汝器山西潞州人進士

梁世隆 字道亨山西和順人舉人

嘉靖

張偉 南京府軍左衛人舉人

朱鵬 字騰霄廣西陽朔人進士

高大經 字以仁直隸任丘人進士

張鶴 字雲卿燕山右衛人舉人

謝鑑 字萬卿直隸祁門人進士

朱徵 字晉卿河南唐縣人進士

張淑勵 字自勉山西孟縣人進士見宦績

李應時 字際可山西平定州人進士

王希堯 字法仁陝西安化人進士

李從宜 字宗賢直隸長垣人進士

李齊芳 直隸成安人進士

賈仁元 字子善山西萬泉人進士見宦績

覃應元 字德芳山西大同守禦所人進士

隆慶

韋以誠 字立夫直隸定興人進士

王炳衡 字欽夫直隸長洲人進士

萬曆

賀一孝 字子順河南魯山人進士陞兵部主事

靳紹謙

字受之直隸安平人進士

杜縻

字惟公直隸永年人進士行取南科給事中官至武德道副使

楊繼先

直隸定興人進士官至副使

彭應捷

字讓甫河南光山人進士官至知府

冀體

字育甫河南武安人進士有敏才官至御史以忠諫罷

張鶴鳴

字元平河南潁川人進士行取南兵部主事官至兵部尚書見宦績

陳采

字冲然直隸清苑人戊戌進士陞吏部主事官至祭政祀名宦見宦績

陳陞

字抑吾河南夏邑人辛丑進士刻滄溟集脩其墓陞戶部主事官至邊郎

黃衮

字補之河南光州人丁未進士陞戶部主事官至副使

裴鉉

字鼎和太原衛人庚戌進士陞戶部主事官至邊郎見宦績

張翼明

字滄嶙河南永城人庚戌進士陞禮部主事官至大同巡撫

黎國器

河南睢州人丙辰進士有執持善課士陞刑部主事官至憲副

天啓

吳阿衡

字隆徽河南裕州人己未進士立法嚴苛民皆震畏盜不入境蓮妖之亂一呼而集

鄉民十三萬亦其威信素著也
行取御史官至密雲總制

郭捍城

字四維直隸平鄉人壬戌進士官至兵部主事

呂黃鍾

字初陽山西澤州人乙丑進士行取戶科給事中見任曹州兵備見宦績

崇禎

郭永泰

字大來順天大興人戊辰進士不
畏疆禦人服其守陞戶部主事

貴養性

字履吾河南胙城人辛未進士
性甚敏捷平東飛輓亦費拮据

韓承宣

字康侯山西蒲州人甲戌進士
崇禎己卯死於難見官績

宋祖法

字允繩河南新蔡人甲戌進士
崇禎己卯自祁門遷任

佐貳

許丞廉吏重聽何妨程簿大儒黏竿斯折員尉豪
士發賑可專英雄不自振拔而顧臺隸於上官市
販於小民扁石自卑人乎何尤然賢不擇地而生
苟得其人亦宜改容而禮貌之無使人謂丞負人

人不負丞日對二松吟哦哉

縣丞

賈能

天順
間任

孟瑀

天順
間任

游寬

成化間任脩
小清河有功

曹冕

弘治
間任

周玉

弘治
間任

許應奎

嘉靖
間任

于珠

嘉靖
間任

張明賢

陝西人吏員萬
曆初任陞經歷

王鳴鳳

萬曆癸
巳任

吳應祥

萬曆甲
午任

陳樑

萬曆戊
戌任

郭四極

南直五河人選貢己
亥間任陞文昌知縣

盧柯

萬曆戊
申間任

劉明徵

陝西人選貢庚
子任陞知縣

宋需

陳尚表

關中人有才幹署商河篆
有清名陞四川眉州知州

劉哲 棗強人一清不染見受賄者則極口罵之陞關中知縣

焦三移 南直人歲貢陞知縣 杜岩 贊皇人監生萬曆戊午任

李時芳 渭南人儒士崇禎庚午任 葉春霖 仁和人陞經歷

楊穎發 秀水人 周啓庠 滄州人

王儒 河南人陞陝西知縣 周明 仁和人

主簿

張彪 天順間任 陳綸 天順間任 劉芳 天順間任

武學 成化間任 蘇奇 成化間任 李鐸 弘治間任

王爵 嘉靖間任 邢繼志 萬曆壬午任

陸夢博 萬曆戊戌任 白希綵 陝西人

郭俊父 太原人甚廉介有才幹脩小清河有功陞清平知縣

顧夢珖 章世簪 青陽人監生萬曆戊午任

任順天 汾陽人監生崇禎庚午任 曾本端 建寧人知甲天啓甲子任

李實 懷仁人歲貢崇禎丙子任 劉正行 河南祥符人

典史

孫裔 天順間任 鮑治 弘治間任 高世洪 嘉靖間任

姚鎮遠 康希政 胡邦佐 萬曆戊戌任

俞守仁 浙江人有才幹陞主簿 王文豸 華陰人

趙萬方 三原人 歷 陸守備

陳仲昇

焦永盛 長治人

鍾道賢 浙江人 雖刀筆吏日不廢 書史陸任時行李蕭然

郭欽秋 江西人 田多善 陝西人

李承顯 富平人

宦績

花封琴堂郵焉而已矣金章墨綬名焉而已矣卽
轅轍尸祝襲焉而已矣所可憑者斯民三代之口

碑耳余既詳載職名然長老傳聞官牆俎豆遺澤

如新烏可讓耶謹而志之俾前無所泯後有所則
焉若夫邑乘例不及上官然非爲首善之邑言也
列戟分符功德被矣故凡興利捍患有造於歷足
以墮峴淚而植萊栢者冠於循吏卷首至於一時
名德勲業方隆蓋未敢遽列云

名宦

周鮑叔牙 齊卿進管仲於桓公而下之天下不多管仲而多鮑叔知人也食邑鮑山下曰鮑城

子孫世祿於齊

管仲 桓上人相齊桓公通商積財富國強兵 尊周室攘 蔡丘一盟天下宗齊

逢丑父

齊卿魯成公二年晉敗齊師三周華不注丑父使公下如華泉取飲而免韓厥獻丑

父卻子將戮之呼曰自今無有代其君在患者卻子救之

漢顏異

武帝時為濟南亭長以廉直遷九卿

韓千秋

武帝時為濟南相屬擊南越戰死帝命子延年為侯

何敞

扶風平陵人和帝時為濟南王康太傅康尊貴驕甚敞輔以道義數以法度諫正之康禮

敬馬

劉寵

東萊牟平人桓帝時為東平陵令以仁惠為百姓所愛及代去老幼塞道留之祀名宦

北魏鹿生

濟陰乘氏人濟南太守有治稱顯祖賜以駿馬青服彰其廉潔時三齊始附民廢農

業生立制斷之聞者嗟善

韓麒麟

昌黎人孝文時為齊州刺史在官寬仁從事劉普慶說之曰無所斬戮何以示威麒麟曰不犯法何所截乎必需斬斷

以立威當以卿應之普慶慚而退

薛聰

汾陰人宣武時為齊州刺史政存簡靜卒於州吏民追思留其所坐榻以為遺愛

拓拔子華

字伏榮孝莊時除齊州刺史先是州境數經反逆那杲之亂人不自保子華撫

輯豪右委之管鑰眾皆感悅鞠獄訊囚務以仁恕齊人樹碑頌德

北齊房彥謙

清河東武城人廣寧王孝行辟為齊州主簿清簡守法境內肅然及周師入鄴

齊王東歸以彥謙為齊州治中從事彥謙痛本朝傾覆將糾率忠義潛謀匡輔不果而止齊亡

歸於家

隋韋藝

京兆杜陵人高祖初拜齊州刺史為政清簡士庶懷惠任職數年遷營州總管

卷六

載

官績

友聲堂

趙軌

維陽人高祖時為齊州別駕有能名及被徵父老揮涕送之曰公清如水不敢以壺漿相送請酌一盃奉

王伽

河間章武人開皇末為齊州行參軍送流囚七人詣京伽哀其辛苦行及滎陽乃悉脫其枷鎖與期曰某口當至京師因感悅如期而至一無離叛帝聞驚異召見稱善并赦流人

元褒

河南雒陽人煬帝初拜齊州刺史尋改齊郡太守吏民安之

唐徐彥伯

弘農閿鄉人大業中齊郡丞會與遼東役百姓失業又屬歲饑開倉賑給不俟詔報對策高第遷宗正卿出為齊州刺史

李志愔

博州聊城人中宗時為齊州都督後受齊州刺史破碎姦猾令行禁信境內肅然

李旸

柳州澄陽人中宗時拜齊州參軍為吏詳敏有治譽

李隨

玄宗時為濟南太守安祿山反隨與單父尉賈賁濮陽人尚衡以兵討之

五代郭瓊

盧龍人仕周齊州防禦使民饑瓊以已俸賑之人懷其惠詣闕頌德政詔許立碑

宋李漢超

雲州雲中人太祖時齊州防禦使在郡政平訟理吏民愛之詣闕求立碑頌德太祖命徐鉉撰文賜之

趙師民

青州臨淄人仁宗時為齊州推官勅於史治政有惠愛更天平軍節度推官

王巖叟

大名清平人哲宗時知齊州先是巖叟言河北權鹽法尚行民受其弊至是請以所言鹽法行之京東

范純仁

蘇州吳人哲宗時知齊州治尚寬平時有盜竊而督償者繫司理院純欲使保外輸納通判曰此釋之復系官司往往待其疾斃純曰法不至死以情殺之豈理耶遂戒飭而釋

之囚權呼而出轉相告語是歲犯法者減半

曾鞏

建昌南豐人仁宗時知齊州曲坦周氏久惡難治鞏取寘於法章丘民聚黨為盜鞏多方

議捕盜多自首自是外戶不閉河北發民濬河齊當給夫二百鞏括其隱漏人取其又作橋梁徙傳舍民皆以為利及代州人絕橋閉門留之至夜乘間乃得去

蘇轍

眉州眉山人王安石時以諫青苗法出掌齊州書記沉靜簡潔以文章名於時

晁補之

知齊州力於為政有羣盜晝掠塗巷補之默得其姓名一日宴客召賊曹授以方畧

酒行未竟悉檢來一府為撤警

李嘗

南昌南康人神宗時知齊州齊多盜論報無虛日嘗得劫盜刺為兵使在麾下盡知囊括

處悉發屋破柱拔其根株半歲間誅七百人法無所匿

王吉甫

同州人神宗時知齊州一於用法而廉介不回吏民畏服

張叔夜

欽宗時知濟南府山東羣盜倖至叔夜以計緩之乃取舊赦賊文俾郵卒傳至羣盜

聞果稍懈狐疑相持至暮不決叔夜發卒五千乘其惰擊之盜奔潰以功進龍圖閣直學士

金楊伯淵

真定藁城人海陵時知泰安軍百姓刻石頌德遷山東東路轉運使正隆末盜起州

郡皆罹害獨濟南賴以保全

元趙炳

世祖時濟南路總管時妖民作亂炳止罪首惡餘黨解散歲凶賑民而後以聞

胡祜適

磁州武安人至元擢山東東西道提刑按察使所至抑豪右扶孤弱敦教化勵士節

民有父子兄弟相訟者必憮切論以天倫之重不獲已乃繩以法終贈禮部尚書謚文靖

趙孟頫

字子昂至元間同知濟南路總管府事時總管關孟頫獨知府事官事清簡有元掀

兒者役于鹽場不勝艱苦逃去其父求得他人屍誣同役殺之既誣服孟頫疑其冤留弗決踰月掀兒自歸郡中稱爲神明改翰林侍講學士

張昇

字伯高平州人天曆初爲山東道廉訪使時方有警有司請完城以備昇曰民侍吾以生完城是棄民也繇是民皆安之文宗賜尚醞文幣以賞其功終淮西道廉訪使卒謚文憲

王構

濟南路總管學田爲牧地所侵者理而歸之官貸民粟而責償不已構請輸以明年

于欽

青州益都人延祐六年齊地大饑父子相食率富民出粟太多賑濟太廣見責于憲府時官僚有壘此凶歲抬升斗以鬻子女舉曰過房悉輦以北欽則訪鬻子者爲贖還之乃怒曰是違例微譽也

國朝安然

穎川人洪武初爲山東中書省參知政事立心平正撫綏勤勞祿止養身餘給公用

後遷御史大夫

熊鼎

臨安人洪武初按察司僉事公平正直斷獄明允凡有糾劾務從大體

崔亮

洪武初知濟南府修城堞建倉庾撫綏得宜士民咸服陞禮部尚書

陳脩

廣信弋陽人洪武初知濟南府刑清政平嘗上言墾田之策上嘉納之時府治改爲按察司葺開元寺爲府治民無所擾國初稱郡守之賢必曰崔陳

徐鐸

洪武間布政學術正大蒞事公平入爲戶部尚書

徐安

洪武末爲濟南知府精通吏事爲政有方於庫藏出納之弊尤掃清無遺

馬麟

永樂初布政惠澤及人持法不撓僚屬敬畏百姓獲安

房安

永樂中參政天性剛毅蒞事敏捷人皆憚之

段民

武進人永樂間妖婦唐賽兒作亂民為布政司參政下車撫宣德意整飭紀綱撫綏殘氓

剗革宿弊東方以

寧官至刑部侍郎

何文淵

永樂間以監察御史巡撫時豪右侵漁百姓兼軍衛多擾文淵發奸摘伏吏民畏之

如神官至

吏部尚書

劉中敷

宣德中布政天性質直廉靜樂易吏民懷畏召為戶部尚書

王質

鳳陽人正統初右布政廉勤果毅人服其公尤以清譽聞有王青菜之譌召為戶部侍郎

張驥

正統間巡撫值歲大饑設法振救民賴全活甚衆山東設巡撫自驥始

年富

懷遠人正統間巡撫廉靜寡欲過事敢為按行諸部官吏畏服奸豪屏迹召為吏部尚書

陳泰

正統間巡按克振風紀以藩臬多匪入陳疏數下言要以選賢去奸為治本陞副都御史

盛顛

正統間山東旱饑顛奉命巡撫下車禱雨即應民賴全活又建祠以祀前代聖賢有功齊

魯者黜貪暴表忠良除苛政居三年政化大行風俗以變

薛瑄

平陽河津人正統間吏部尚書郭璉薦瑄以御史提學山東欣然就之曰此吾事也每臨

諸生親為講解不事夏楚人呼之曰薛夫子立祠湖干以祀之

馬諒

和州人正統間參議巡行郡邑訪政得失察吏賢否時降虜安置山東者欲乘機為亂諒

諭之咸服民有感於後妻欲寘子於法諒諭之曰爾子凶德乃吾教令之失非爾之罪父母感

語請釋還為孝子疑獄久不決者一訊即伏於負冤者尤為辨雪官至戶部侍郎

陸瑜

浙江鄞縣人天順間布政器量偉弘曉練政體尤精法律召為刑部尚書

王宇

天順間布政時累歲不登民皆流移宇奉命安撫之設法賑濟不憚驅馳民賴全活者數

十萬人召為副都御史

郭觀

天順間巡按首劾三司正佐三四人夫貪墨決疑獄一循公法陞廣西僉事

許進

成化間巡按剛正嚴肅貪污望風解組賑恤饑荒平反獄囚官至吏部尚書

白行順

陝西清澗人成化間知濟南府緩刑興學教民耕種招撫流移賑恤窮獨陞山西叅

政士民遮留為之立碑

牟俸

四川巴縣人成化間巡撫值歲大饑設法周濟全活數萬人大小清河湮塞建議脩濟民

大稱便

王琮

山西陽曲人成化間濟南府同知歷三年都御史牟俸薦其賢陞知本府秩滿陞布政使

歷有德政民刻石識之

衛英

成化間濟南府同知志行高潔蒞政嚴明陞開封知府行李蕭然人服其清

原傑

弘治初巡撫有才望多所興建士民賴之

王越

弘治初按察使慷慨明敏見事風生精練吏事深得憲體官至太子太保封威寧伯

趙璜

江西安福人弘治間知濟南府為政敦大體不事苛急有德政頌後忤逆瑾削職未幾起

用巡撫山東值流賊殘傷之後悉力拊循東方以靖官至工部尚書

楊文卿

弘治間提學造就生徒勤懇不倦秉公黜陟士心允服

于大節

弘治間按察使有丰采卒於官濟南人攀號送者塞於道

方良永

正德間廣東僉事以不謁劉瑾致仕及瑾誅起用歷陞山東右布政廉明節愛士民

感頌後陞浙江布政疏劾朱寧遂乞休嘉靖初起為山東巡撫復以老母乞終養陞刑部尚書

姜洪 正德間布政時流賊猖獗洪飭兵繕守民恃無恐服食淡如陞山西巡撫

黃贊 直隸儀真人正德間巡撫武廟南巡調度有方民賴不擾性耿直嘗面斥人過官僚肅然

平生以清苦自持比歸家無蓄資士論重之

孫燧 正德間按察使明習法律獨持憲體命三堂按歸善王燧毅然往不終朝具獄

王相 正德間巡按訪除民蠹摘伏如神時朱寧怙寵遂被謫逮繫

朱節 嘉靖二年巡按昔兵旱相仍礦賊竊發節躬自行軍親臨督戰一鼓擒賊山東蕩平竟以

勞卒民痛如喪父母贈大里卿

應櫛 嘉靖間巡撫居官持大體清慎有聲一方賴之

王廷相 萬曆初提學節義文章並著於世以正學造就士子

李遷 萬曆初濟南知府政善民安化行俗美

宋應昌 浙江仁和人萬曆間以給事中出守濟南歷陞巡撫均地畝行條編民享樂利者四

年十

平康裕 北直河間人萬曆間濟南太守有風裁庶事就理至門灘錢一事先是地方宿直皆

沿門編派舉場考試一切物料取之民間人甚苦之平公編為門灘按房多寡收錢于官以資

二食器皿毫不擾民又大佛山建文筆峯府庠泮池立太湖石至今追思不忘

鍾化民 浙江仁和人萬曆間巡按崇尚德化加意學較曩平太守康裕革火夫編為門灘置

一切器具毫不犯民間久之門灘出而索取如故公移檄有司宿直等役悉出香孫人甚德之

詩香稅出而索取又如故也

鄒善

江西人萬曆間督學湖湖南書院置學田養士遍遊海右各士陶鎔其中趙司農王中丞

諸名卿俱屬品題毀淫祠為社學教童子歌詠以養性情訓人自寬其良心士人悅服

李化龍

北直大名入萬曆間督學試士五日一案寒士不羈旅邸閱文不代倩評文曲肖其人發落時掩卷逐名細加品題經識拔

者皆入彀後以平播功擢兵部尚書

徐榜

南直涇縣人萬曆中知濟南府仁民愛士馭屬吏仁而且寬曰凡戴烏紗者皆朝廷官最

不可侮立明湖會課士論文發身者甚多

黃克纘

福建晉江人初以觀察來歷藩臬而中丞為崇能力制之建廣川城擒白面狼置歷山書院刻鸞遊亭帖後晉大司空立祠祀之

畢懋康

南直歙人萬曆間巡鹽御史建書院於酌奕泉東置學田贍士又蠲粟脩閔子墓

國大慶命有所賑濟活起者無筭而作人之功後無繼者

趙彥

陝西膚施人天啓初巡撫留心政務民隱悉知勸民象魏幾滿城市值蓮妖之變身親征

之三月蕩平陞兵部尚書有生祠

呂純如

南直無錫人天啓中巡撫修城濬隍建勸農亭作冬生院修岱史與明湖大社真留

心民事者不可

樊時英

浙江仁和人天啓末知濟南府御物謙和禔躬純白盡出俸錢脩學宮濬玉帶河建

呂仙閣來鶴橋與明湖社陞福建提學歸里毫無長物府庠有去思碑亭

陳應元

南直江浦人崇禎初左布政值孔李之變書夜擘畫禁兵兵數十萬餉無不辦給

且擅文名山左景物者有吟咏後陞副都巡撫登萊

景昌 號仙岩河南雒陽人崇禎己卯巡按山東監紀軍事冒危 單騎兼程至歷下

哭而掩遺骸設醮而祭孤魂施粥徧救傷疫之民蠲金厚恤鵠結之士斥貨大脩圯廢之城

又親征萊蕪土寇議題蠲焚劫漕糧無何建官被逮士民如失慈母保留莫遂至今思之

蔡懋德 字惟立南直崑山人己未會魁歷官江西提學寧前兵備崇禎己卯任布政司參議

推按察使力請改折天津漕糧教民鑿井引水灌田躬祭孤魂普振貧黎築城濬池買蝗恤旱

修七忠廢祠以慰英靈闡文心八則以牖多士刻當官功過格公門修行錄以醒人心今陞河南右布政使將行猶躬親禱雨蠲貲施藥

飭薛王公祠士民保留無計乃立祠祀之

涂原 號之瀾四川梁山人辛未進士崇禎己卯督學山東四月徧試六府賦性敏捷存心仁愛較藝之暇曲加提誨兵火後文物復興皆公力云

董允茂 號豸章浙江慈谿人丁丑進士任分巡南道僉事維時兵燹之後將儒兵驕公嚴核兵制整飭管規壁壘一新又攝學道篆雖考歲貢故事亦細心甄錄輿論咸孚會

廷推天津遼餉兵備僉謂公能庚辰十一月遂往任

張斗 字南乙河南溫縣人己卯任濟南府同知加意興釐不避勞怨賑饑瘞骸安民緝盜大著功績至修城一役躬親築濬毫不擾民無何以京察降秩民甚思之今任大同監軍道

李恪 號三如山西安邑人甲戌進士任兗州府推官己卯之役會城列署皆虛上臺以公來署

府篆公修城濬池招移恤孤剪冠綬良掩齒賑餒頗著勞績俸深望重以兗州推官超陞交西兵備按察司僉事

丘祖德 字念修四川成都人丁丑進士任濟南府推官明恕用刑庭無積案吏胥斂手嘗攝

歷城縣志 卷六 職官 官績 友聲堂

友聲堂

友聲堂

友聲堂

清軍糧馬三篆事治神間連歲監軍勦寇與士卒同甘苦大小數十戰屢著捷功愛民任事民有急必訴于公如賑士犒兵賜貧瘞骨開闢溝澆稻捐粟捕蝗民皆感悅又修七忠祠五龍潭府學等處辛巳五月兩臺特題陞補分巡東昌道僉事赴任之日歷下父老擁道遮留願久任會城既不得留相携泣送者絡繹於道公議建碑立祠志遺愛焉

靖難死節

鐵鉉

河南鄧州人建文中布政司叅議靖難師圍濟南鉉悉力拒守勢迫詐降為鐵板於門上

迎燕邸入板下擊燕邸馬驚遂去三月圍解陞左布政兵部尚書事定不屈族誅祀七忠祠

平安

洪武末都指揮使靖難師圍濟南安同鐵鉉為城守計有攻破者以布畫假城障於外督

兵築於內一日而畢三月圍解安率兵追至東昌大戰梁矢及馬踣而止京師定乃自經死祀

七忠祠萬曆間黃中丞革去

胡子昭

嘉定人少從方孝孺學性忠介富經術革除間繇史官遷山東按察僉事遇靖難不

屈死

高巍

遼州人初授前軍都督府斷事靖難師起從李景隆出師叅謀軍務累上事請罷兵歸國

不報戰敗南奔遇鐵鉉於臨邑遂協謀
固守濟南京師已定乃縊死祀七忠祠

陳廸 宣城人布政司右叅議捕蝗彌盜民甚德之
後陞禮部尚書靖難師起上疏陳論大義被
詔責問不屈而死祀七忠祠

遼叛死節

徐從治

浙江海鹽人初為濟南知府後治兵武德
孔李之亂公以巡撫固守萊城持正死守

飛炮中顛而
死祀於學宮

死節

張秉文

南直桐城人庚戌進士
丙子任左布政已卯死

周之訓

湖廣黃州人己未進士崇禎戊
寅分巡濟南守南城城陷而死

鄧謙

湖廣孝感人戊辰進士崇禎
戊寅攝守巡二道

濟池一切防備多費拮据招募
獨守西城日夜牌頭城陷回司率
死於司前

司前

馮鎰

益都人署都指揮守
西北城城陷遇害

唐世熊

人崇禎戊寅任鹽運使守西北城已
卯城陷或問計公曰此乃我輩死所也無

死之

苟好善

陝西醴泉人辛未進士以南御史出知濟
南府事戊寅守北城城陷不屈死

陳虞胤

雲南昆明人乙亥任司知濟南府事戊寅
守東北城時不見賞及責之獨

公處頗有
城陷赴火死

孔聞武

曲阜聖裔府學教授已卯死

循令

侯宣

河南封丘人天順間知歷城縣事廉明威信勤政有為賑饑荒興學較決疑獄弭盜賊奉

免牧馬民受其賜有德政碑

余翱

直隸定遠人正德間知歷城縣事性清直不受請託節財用均賦役革冒越民多賴之擢

監察御史

張淑勵

太原孟人辛丑進士蒞任值災厲邊圍之餘輕徭薄賦與民休息嘗夜折訟得情皆

片言及鹽壘問疾苦必竟辭嘗語人曰吾四載於縣署有未蹈之跡未嘗一日於窮簷忘兼炤

之心月旦與諸弟子設俎豆言詩書士再適薦者七人丙午秋人上最留權御史

賈仁元

山西萬泉人嘉靖末知歷城縣事有善政民德之李于鱗為作序

張鶴鳴

河南潁川人萬曆初任時曠使四出魚肉小民公力抗陳脩五龍壇入暗廟濟懷家

窪凡興利便民者無不為之且嫺風雅愛吟詠陞南京主政歷人祀之已陞憲副有張公重來

天有眼之譏後為兵部尚書行邊有功賜璘正年九十流賊逼潁公率家族悉力拒之城陷罵

賊而死事聞贈恤有加

陳承

直隸清苑人萬曆己亥任作人質朴立政真誠加意窮民持躬純白且承張令之後人稱

雙美祀於學宮

裴鉉

太原衛人漸獄如流務得民情胥弊一清奸人屏迹雖承平而用斧斤不無稍刻然發奸

摘伏狐鼠潛消市棍偷兒屏息遠遁亦吏才之最敏者

呂黃鍾

山西澤州人天啓初自魚臺來任清慎寬勤持躬以禮遇物以和簡詞訟隨處折以

片言察保甲委巷亦必親歷且濶目能察正邪任真不干聲譽衙胥歛手士庶歸心行取戶科給事中屢上時務不留諫草忤當事意出爲登州副使以病歸庚辰起布政司右叅政曹州兵

備歷民闕公來遷被相迎

按於道蓋去數年如一叩

韓承宣

山西蒲州人初爲濰州以題石城功調院課士戊寅公調度有方奈羣指亂視朝

令夕更甲可乙否未知適從然猶修濬城池勸建望臺招徠鄉民獎勵輸助徒勞罔功

遇難身殞公事之矣事請候恤

宋祖法

字允繩河南新蔡人甲戌進士初戊寅補祁門又巳卯後濟變底

其人遂自祁調歷甫下車賑貧招移綏築城濬隍捕蝗禱雨修邑乘汰冗胥

典復季考設鑼于餅以察寃囚請免支銷以蘇積困勦撫叛寇頗費拮据辛巳六月陞

刑部主事

以余志縣令于漢得一人焉曰平陵令劉寵于宋

得一人焉曰歷城令歐陽大春于元得一人焉曰

歷城令李珪然大春與珪其行事不少槩見故關

焉不書書自正統何公瑾始其功烈表表著於當

世者僅得十人于時作而歎曰今之爲令厥惟艱

哉然救時之法大要有三因功令之嚴而濟以寬

杜傍門之虐而攬其權防叢借之端而肅以威昔